

金

石

萃

編

金石萃編卷七十

賜進士出身 誥授光祿大夫刑部右侍郎加七級王昶撰

唐三十

馮本紀孝碑

碑下闕一字連額約高八尺九寸三分廣四尺一寸二十六行行五十字隸書篆額今在高陵縣

大唐故亳州錄事參軍事上騎都尉馮府君紀孝之碑

正議大夫□□□書少□□□朝隱撰

嫡子銀青光祿大夫留直昭文館上柱國長樂縣開

國男敦直書

夫元亨利貞開物之細鍵也典暮訓誥設範之源流也

變通周於三古而口口其情浸潤洽於九區而人乘其
利口口之播歲探其微如簪之折日取其半萬代而不
盡 府君之道歟 府君諱本字口口長樂信都人也
周之爲主天子授曰丕基督則有人丞口登其寵渥自
後衣冠代起組綬駢驅邦家必聞出幽都而獨秀名教
可樂入魏國而先鳴 曾祖口後魏外兵參軍北地郡
丞昂戴絕羣耿介負俗其功可立思與主而吁噓其道
不行視危邦而傲睨 祖悅宇文朝驃騎將軍定安口
郎中令與隋文帝有舊辟命不出去病曰威名動俗昇
之驃騎雖齒曰故舊生貴封曰什方國步重清出爲嘉

州峨嵋縣令仁恩浹於旋軛信義流於闔棺 父賈隋

按書郎國初率子弟應接義旗加通議大夫檢校定州北平縣令蒼正篆籀之指歸陰陽數術之城府莫不備

窮製造妙盡精微建功則與天會留委質□□□□

□重規杳矩驥□鳴飛爲珠則漢水聊華爲玉則崑山

動色 公波瀾萬仞節目千丈□衣鉞水見耕升之爲

文鼓□□□□□□成字草隸斯盡筋宗備存或取

以龜圖或詳諸鳥跡或理窮靈妙或思盡豪芒以□□

形穎脫於苒載以之會意□□□□□□□□解褐

利州參軍徙絳州參軍類丁憂去職結廬在墓負土成

墳父兮母兮鞠□□我取敬取愛以尊呂巖事□□□
□□□□茶蓼陟屺帖而不見行碎肝□僅全毀滅之
中重起簪裾之內服闋還備州錄事□□乾封中入計
上臨軒問□□□□□□□□□□王是臨奇獸不入
九十百爲日月歲資艸秭盡有爲之門倉垣虛不急之
事□□庾壹粒積成九稔之儲露□□□□□□□□之
產 陛下以損爲未損微□□呂安爲未安爰下 天書
載牧垆澤有犯無隱皆□□也尋擢亳州錄事參軍如
□□□□□□□□□ 如綱提綱得鳥期於一目功無
所蔽過無所容巡察使以清白聞秩未進於□□名已

登於岱簞由咸亨四□□□□□□□於官春秋六十
有四人吏傷心仰徽容共若疚友朋交臂顧支體其如
失 夫人恒農揚氏繼夫人上□□□□□□□□□□
交接爲國則土宇齊封陽敷奇陰數偶呂久視元年五
月廿二日合祔於 先塋禮也嗣子銀青光祿□□□
□□□□□□直昭文館長直曾與至孝閔□醇心公
才滿於四科 帝獎隆於三篋若韋□□銘寶器若李
斯之篆銅人廷生閒起角立傑出兼張華之博物若孔
光之深慎剖析疑滯則明鏡見臆鎔裁得共則利劍吹
毛□□劬勞未盡岡極之報匍匐啟咽庶祈不死之文

朝隱竹簡舊遊蓬山遺老有企無愧考行直書迺銘其
言俾刻於石冀東南南口口夫子之墳焉其辭曰

瓜瓞縣一系於周季畢公是出畢萬是遷仕晉何代封
魏何季食業命氏馮鄉有焉苻運代起水火更口口燕
稱孤入魏爲相士流模楷名教宗匠冠冕搢紳允歸時
望光一郡丞挺生其後昂藏獨得耿介自守辭疾丘園
養高林藪雖卽干咽非義不受赫二驍騎聲雄五都盈
尺美玉徑寸明珠虛箱卽舊雍齒何辜或出或處與時
並驅爰降異靈是生良宰陰陽數術篆籀文彩橋鸞未
振潛龍有待曰忠事君其跡斯在鳳鶴有鸚口口有駒

鷓鴣餅之騎行身之登口胃子擢於上庠參卿軍事其
道逾光盡節匡骨受命河洛典茲制舉繩違景毫物情
刻剋代務口口無謂我固藏舟於壑哀之嗣子備之餘
生孝友成性忠貞令名通於天地感於神明冀搖雄筆
以紀頌聲千秋萬歲灌木豐草子孫盈門軒車口道或
青或紫巨拜巨掃披其遺文與天同老

先天元年歲次壬子十一月景寅朔口日壬申封

供口口口口慎非鐫字

右碑中斷金石家以上截作亳州錄事參軍殘碑下

截作紀孝碑者非是

關中金
石記

右亳州錄事參軍馮本紀孝碑在高陵縣碑已斷中
央損五十餘字撰文者名朝隱而闕其姓考唐書文
藝傳闕朝隱先天中爲祕書少監此碑文云朝隱竹
簡舊遊蓬山遺老題銜書少二字可辨祕字亦存其
半知爲闕朝隱無疑也馮君卒於咸亨四年以久視
元年葬先天元年樹碑距葬時已十三年矣碑爲朝
子銀青光祿大夫閔直昭文館敎直所書歐趙諸家
俱未收錄顧氏記金石文字始錄之又別出亳州錄
事參軍一碑其實卽此碑之上半誤分爲二目碑書

既作軼敦作裏皆別體

潛研堂金
石文獻是

按銘詞云瓜瓞縣系於周年畢公是出畢萬是
遷仕晉何氏封魏何年食萊命氏馮鄉有焉通志
氏族略云馮氏姓纂云周文王第十五子畢公高
之後畢萬封魏支孫食采於馮城因氏焉漢書秦
末馮亭爲上黨太守入趙其宗族或曹潞或在趙
秦丞相去疾御史大夫劫漢博成侯母擇竝亭之
後也碑敘先世大略與此合祖悅父賢周隋書俱
無傳碑稱父賢蒼正象籍之指歸陰陽數術之城
府又稱公善草隸或取龜圖或詳鳥跡稽之書譜
俱不載此碑爲嫡子敦直隸書足徵其家學淵源

矣

契苾明碑

碑高一丈三尺五寸廣六尺共三十六行行七十七字正書額題大唐故大將軍涼國公契苾府君之碑成陽縣篆書今在

大周故鎮軍大將軍行左鷹揚衛大將軍兼賀蘭州都督上柱國涼國公契苾府君之碑銘 并序

肅政御史大夫上柱國婁師德製文

左肅政御史殷元祚書

原夫哲后時乘聖人貞觀必俟風雲之應以光朝列尤資棟榦之材式隆王道若乃傑出文武挺生才俊道符

忠孝性口清白口親於口買之前獨步於韓彭之上肝
鑿名教蟬聯口組許口焉可備金張莫能匹四海慕其
風範千里仰其談柄玉質金箱探賾索隱沒而不朽其
惟賀蘭都督涼國公之謂哉君諱明字若水本出武威
姑臧人也 聖期爰始賜賈神京而香逐芝蘭幸

隨薑桂今屬洛州永昌縣以光盛業焉原夫仙窟延祉
吞霞昭慶因白鹿而上騰事光圖諫遇奇蜂而南逝義
隆緣簡邑怛於是巨精鮮卑由其褻魄恤靈於前涼之
境茂族於洪源之壘良史肅焉此可略而口也曾祖哥
論易勿施莫賀可汗遞襲珪璜夙傳弓冶共棲梧而比

翼與良玉而齊價濯如春柳勁逾霜竹英名振白山雄
圖光紫塞祖繼莫賀特勒積代爲英傑之先光圖繪史
保家爲名教之首口今口昔宏材膠葛洪源浩汗映竹
史而騰芬綴綿書而擅響父河力鎮軍大將軍行左衛
大將軍檢校鴻臚卿檢校左羽林大將軍上柱國涼國
公贈輔國大將軍使持節并汾箕嵐四州諸軍事并州
大都督諡曰口公塋積膏腴門標英偉發言會規矩動
容成指則學該流略文超賈馬威青海而安白道光三
部而截九夷授務口司爲羣僚之宗口膺榮闈錡成立
戎之准的而鐘漏斯盡 而贈崇班率加千里之

榮俄處六祿之位哀榮之禮既洽朝野式瞻送終之典
更隆搢紳翹德公赤野生姿青田矯翰家蓄古賢之操
門傳高士之節季甫一歲穉上柱國封漁陽縣開國公
食邑一千戶八歲起家穉太子左千牛十一穉朝散大
夫太子通事舍人裏行十二穉奉輦大夫若夫紫禁青
規之所必擇賢而方穉

玉階金闕之前實高門

之口處所以榮加髻非澤及綺紈鳴玉錯金光前映後
乃人物之儀表實衣冠之領袖重以河山險要惟賢是
居爪牙任切非親莫委麟德季中穉左武衛大將軍賀
蘭州都督自非承家奔口累代衣纓焉可內奉口口外

膺刺舉者矣相府在藩爲口州道元帥以公爲左口軍
摠管侍中姜恪爲涼州鎮守大使以公爲副然則朝端
妙選實佇異能望重材高允膺僉屬後以鼉海未清地
川尚阻戎車所及口口英將從中書令直敬元征吐蕃
公爲口口道絕口口於是南討吐蕃北征突厥累摧兇
醜勲績居多後狼山及單于餘黨復相聚結奉

制討擊應時平殛前後賞勞不可勝紀改梳左驍衛大
將軍襲爵涼國公食邑三千戶賜錦袍寶口金銀器物
雜綵綾錦等數千件梳長男提三品以酬功也仍改爲
燕然道鎮守大使檢校九姓及契苾部落公倣裝遵遠

望赤水而前驅勁騎騰空指白蘭而長駕左榮右拂八
校於是爭先斬將舉旗口軍以之作氣遂得降

絲言以隆爵命自

亦府而錫珍奇金貝咸紆綰

錦爰集列鼎而光祖祔分茅以惠子孫策勳居宥又稭
鷄田口大摠管至烏德口山南口降二萬餘帳縱使李
牧寧部口口和戎推昔揆今當季冈二尋稭右豹韜衛
大將軍未幾復改稭左豹韜衛將軍并充懷遠軍經略
大使又依舊知燕然道大使公高望重亟膺擢口入
之譽問於朝野惟
大周革命重懸口口擢稭鎮
軍大將軍行左鷹揚衛大將軍餘竝如故有

制

日鎮軍大將軍行左鷹揚衛大將軍兼賀蘭州都督契
苾明妻涼國夫人李柔順成姿幽口植性聿脩婦德每
口於口口此贊夫家必存於忠義既竭由衷之請宜覃
賜族之恩并及母臨洮縣主竝蒙賜姓武氏公侯必復
河洛胄賢屬 寶運之開基接 仙潢而錫

派惠貞無替口口金氏表口承

口口高石口後

稔朔方道摠管兼涼口肅瓜沙五州經略使度玉關而
去張掖弃置一生嗽弱水而望沙場橫行萬里幄中有
策闕外宣威豈直操履冰霜固亦心符筠玉名高一代
氣逸九霄者矣旣而口寇遊川能結頽山之口將軍大

樹行間斷石之嗟悲夫以攀壘元季臘^④廿三^⑤遘疾
薨於涼州姑臧縣之里第春秋卅有六

制曰悼

往贈榮經邦之懿典飾終加等列代之徽猷諒以哀德
口能念勞追舊者也故鎮軍大將軍行左鷹揚衛大將
軍兼賀蘭都督上柱國涼國公契苾明理識開舉局量
沉雄家著勤誠代彰忠懇早膺朝寵夙紹庭規秩峻銜
殊寄隆賜鉞入口巡口口慎之譽必聞出綏藩落威惠
之聲兼濟口轡不留夜舟俄徙未窮遠略奄謝昭途肅
想嘉庸良深矜歎宜申殊澤式旌幽壤可贈使持節都
督涼州諸軍事涼州刺史餘如故賜物三百段便於涼

州給付所緣葬一事以上竝令官供仍口涼州都督府長史元仁儼監護仍令朝散大夫通事舍人內供奉邊懷秀弔祭旣而居諸易遠宅兆攸資金龜泛泉玉鷄伺旦粵以

大周萬歲通而元季歲次景申八^庚年朔十五^乙口申葬於咸陽縣之先塋禮也禮司諡曰公夙承門閥早踐通班茂績昭宣聲望顯著學該流略藝摠兵鈐以孝安親以忠奉國終始如一存沒不渝旌善易名宜彞典寶按諡法寬樂令終曰靖靖諡曰靖公惟公降淳粹而蓄瓊奇稟清忠而挺才望韶儀淹雅難窺於得失逸調清通不測其涯涘抑揚人傑彫績士林

等桃李之無言若朱藍之在性先仁而後已鄙利而尚
賢亭亭有千丈之幹其高非易仰汪汪如萬頃之陂其
深不可測有碩學焉有令問焉擅班馬之雄辯蓄靈地
之雅作逸氣上煙霞之表高名振朝野之際五公七侯
之盛僅可執鞭曜蟬鳴玉之榮纔堪捧轂如揚彪之承
伯起若班固之嗣叔皮加以懸榻翹賢分庭接士衣裘
鞞馬朝成夕費兼濟之性光映人物乃構厦之良材映
車之名寶者矣夫人唐膠西公孝義之長女也齊輝婺
彩擢榦瓊枝莊敬率由於自然抑揚女史溫柔稟之於
本性光輝內則旣而雄劍潛鋒崩城起恨毀瘠逾於大

禮攀髯洎乎剪髮夷夏足其悲哀搢紳增其慘感屈已而遵女誠飭躬而宣婦道可謂承家稟訓執仁口行者歟長子左豹韜衛大將軍兼賀蘭州都督上柱國涼國公從次子右武威衛郎將上柱國姑臧縣開國子嵩右玉鈐衛郎將上柱國番禾縣開國子崇等竝早涉義方夙延庭訓孝心冥弊至德純深口口口口纏憂先口空口充窮盈感濡慕增悲棘口由乎絕口樂毀幾於滅性可謂至道冠幽明窮迷傷骨髓哀輪群踴獨超前輩雖凶極之誠踐霜露而逾感相質之重映今古而垂裕是用仿求翠琬式樹豐碑家風祖德居口在斯用以光士行

用以芳本枝歷千秋兮無數經百代兮無朽銘曰

東井蒼蒼西土茫茫而開分野塋列封疆門多英毅代

產忠良偉哉人物分乎典章其一前涼後涼乃祖乃父赫

弈冠蓋螭聯文武金箱玉質光口口輔至德符孝貞心

翼主其二可汗嗣口抑揚流口業盛口昆道隆前齋遐迩

欽挹夷夏欣戴四海英髦共推貞槩其三特勤垂裕搏風

振翼孔席申徽嵇松比直智水游泳仁山止息討本尋

源斯標岐嶷其四毅公雅口莫之與京既忠且孝王佐人

英研精流略指口良平昭昭餘慶恤其五翼騰榮其五挺生異

材韶季振響未盈小學亟承恩弊門閭易隆墻仞難仰

學行無數名實逾廣

其六

露冕關河式清邊傲違宣威德

聿敷名教口彼夷落鎮茲口要人口德字窮口盡妙

其七

綏邊寄重尤資望族顯允奇材悠然嗣福外清荒憬內

膺榮祿揔戎之寄聲連祕牘

其八

詵詵于隰屢警邊城侵

口驪馬槩口揚旌橫雲列陣背水開營未經千○俄夢

兩楹

其九

口駕口畱居諸易口旋悲口珮遽傷埋玉松蔭

隴兮均青草紫墳兮吐綠式鏤貞琬以光勝蹟

其十

先天元年歲次壬子十二月十六日辛亥孤子息特

進上柱國涼國公嵩立

父碑

明契苾何力子也婁師德製文殷元祚書筆法亦瘦勁可觀碑中契苾何力作河力史諡曰毅疑史爲誤碑中敘明子前曰長男從后曰聳二字自相牴牾且明長子從襲封涼公而后云孤子息涼國公嵩立又何也明葬於萬歲通天元年碑立於先天二年仍稱大周革命仍用武氏製字都不可曉

石墨
鐫華

此碑立於先天元年十二月乃元宗受禪之後其中特勤字再見皆特勒之訛按北史突厥傳大官有葉護次特勒唐書突厥傳可汗者猶古之單于其子弟

謂之特勒

通典同温公通鑑考異曰諸書或作勃勒今從新舊二唐書

迴紇傳依

託高車臣屬特厥近謂之特勒無君長契苾何力傳
父烏隋大業中繼爲莫賀咄特勒隋書高祖紀突厥
雍虞間可汗遣其特勒來朝李崇傳突厥遣使謂崇
曰若來降者封爲特勒史傳中稱特勒者甚多此乃
作特勤又赫公權神策軍碑亦云大特勤嗚沒斯此
皆書者之誤若其中有云玉質金相作箱鷹揚字前
从木後从才又其小失也

金石文
字記

右契苾明碑按史何力十二遷爲本輦大夫碑作奉
輦大夫當以碑爲正碑云公三子長曰提次曰嵩次
曰崇史云聳襲爵碑稱涼國公提固矣碑末又云涼

國公嵩立父碑何也且從古碑文無父碑二字者關
元改元在先天二年之十一月立碑在前猶稱二年
題云大周者明蓋葬于萬歲通天之元年必葬時製
文及書故云大周革命并用武后所製之字也

金石錄

右碑在縣北五里雙泉洞微東北上崖字近下面碎
落僅可意會識之上面則猶初然也

咸陽金石遺文

按唐書契苾明傳悉與碑合石墨鐫華云長子襲封
涼國公而後云孤子息涼國公嵩立又何也明葬於
萬歲通天元年碑立於先天元年仍稱周革命仍用
武后製字都不可曉金石文字記亦以此爲疑愚謂

此蓋明葬時婁爲之製文殷爲之書是以稱大周用武后所製字其碑中稱李孝義爲唐膠西公以在周時不得不稱唐也碑文已書而未立至先天二年始立耳不然婁師德卒於聖歷元年至先天元年已十餘年矣焉能起而爲之製文其先天元年數行書法似別出一手且所書俱不用武后字可爲明驗無疑至立碑乃次子嵩或製文書碑時三子無恙至先天時聳已故焉知非次子嵩襲爵葬時嵩與崇不過子爵今嵩稱涼國公涼爲契苾氏世爵此亦一明驗史止言聳襲爵不言嵩又襲爵何知非史之闕耶

記

右涼國公契苾明碑文稱長子左豹韜衛大將軍兼
賀蘭州都督涼國公名已漫漶然上半從字猶依稀
可辨据唐書本傳云子聳襲爵則是聳字但此碑前
云授長男從三品而次子嵩崇爵名皆從山又疑當
爲嵒字蓋卽從而移其山於下耳末題先天元年十
二月十六日孤子息特進上柱國涼國公嵩蓋立石
距製文之時已十有六年長子沒而更以嵩襲公爵
亦史所失載也碑用武后新製字惟府君之君聖人
貞觀之聖仍書本字

潛研堂金石文跋尾

唐時單于稱可汗其次謂之特勤或稱勤亦謂之特勒按北魏書有宿勤明達北史作宿勤其誤與

此同

關中金石記

余近得拓本僅得其半就文內與史有可參校者新唐書明本傳年十二遷本董大夫今碑作稽蓋董大

夫

稽即長字亦作稽

百官志掌董圓十二人奉養十五人然

則本董亦依碑作奉董而史云擢嫡子三品官下云

子聳襲爵今以碑証之有云稽長男從三品與傳同

下文列明子嵩崇等竝以行次從山而史但作聳

也明父史作何力此碑何作河蓋漢碑何多作河如

吳公碑逢盛碑柰何字皆作河則何與河古用字亦可通也碑立于先天二年十二月爲元宗受禪已後故碑首行云式隆王道隆字闕中畫又有堊壘元年堊卽證唐君臣正論武后改易新字以永主久王爲證此又以永主人王爲證

按堂金不跋

按契苾明爲何力之子李義山詩集有贈別前蔚州契苾使君詩原注云使君遠祖國初功臣蓋捨何力父子也義山爲文宗時人距國初二百餘年則與義山同時者必是何力之八九世孫玩義山詩云夜掩牙旗千帳雪朝飛羽騎一河冰則亦有

戰功可紀卽其高曾之世亦似有勤王之功著于
實錄詩故又有奕世勤王國史稱之語惜兩書不
載其文故附記于此

周公祠碑

碑高七尺廣三尺五寸五分二十七行
行三十四字正書篆額在偃師縣學

周公祠碑

并序

朝議郎行偃師縣尉賈口義撰

原夫陰陽不測之謂神變化無窮之謂聖聖也者範圍
天地口萬物口不口其功神也者探賾窈冥降口口而
不口其惠持太極之幹運日月口明振中古之簪猷乾

坤合度盛業冠於百代美化流於四國其口也口我爲
光輔其逝也薦我爲明口所謂有始有終可久可大者
也公字朝明文王之子武王之弟成王之叔父也昔堯
臣以披口踐祚初開口地口宜殷伯以積惠累仁終翦
格天之業口太極而承元吉資中和而誕賢聖知微表
於幼顏繼體分於正氣兵戈已偃西周之靈數攸歸宅
土口封東魯之衣冠允集故能勤勞家國翊亮台衡植
珪璧而拜三壇御冕旒而朝萬寓鳴鳴救其衰亂狼跋
明其口始尊嚴其父孝理也炯誠其子卑牧也七月艱
難陳業也三年征伐敘功也復子寶口不虧忠敬之誠

開我金滕迺得風雷之意於是測四方以定都邑分六職以明典刑制口口口安上理人則俎豆之口行揖讓之儀備制大樂以移風易俗則和威之音暢舞詠之情宣詳八卦而究精微演六爻而告疑口所謂極深研精立功成器以爲天下利者也敢問元王之惠何以加於口乎若迺示諸仁藏諸用道藝可以激揚今古軌摸可以粉澤人倫懸寓煥口不假一二談也嗟乎天道有盈虛人事有口沒猶使百年黎庶警軒帝之威靈四序蒸嘗用君王之典則非天下之至聖孰能與於此哉偃師縣祠堂者按圖經云後人懷口恩所置也負陽岑之巖

險面通谷之縈紆四水以爲川二室以爲鎮重樞累棋
登玉戶而三階洞室迴廊列金楹而四合壽宮肅肅備
物巖巖宛若居攝之仁明穆如行化之易簡孝若之併
側庭庶未足贊其精微靈均之倦矧階除不能訶其恻
異易稱王假所以致孝享詩稱天作所以祀王公崇敬
則遐還同臻嘉祥則賢愚共被若迺日之吉辰之良銀
犀繡軸溢通莊會舞安歌紛滿堂樽酌奠芳料桂瓊鑄
鳴芳琳瑯下禱戴方介福上歆馨芳樂康雖盛凝之持
戒練心傾恇不怠劉長之去邪歸道拜謁逾勤正直聰
明於是乎□□以癸丑秋末迄于甲寅夏首西郊不雨

南畝允陽八溪以口渚濱河罕植青草 九重以握珪

沉璧口口口華闕口無鶴立之徵田夫有狼顧之懼尹

上柱國武威縣開國子隴西李傑山河開氣廓廟宏材

允四海之具瞻裁三川之景化西京佇潤稍口分陝之

郊東都思理再臨惟洛之邑奸豪懲而疑滯剖鯁寡悅

而禮義行惠澤布濩頌聲洋溢正議大夫行少尹護軍

彭城劉禎正議大夫行少尹上柱國博陵縣開國男口

元口竝星象之奇衣冠之秀器惟經國六藝襲於班揚

口以匡時令望見於臺閣佐官司錄柳齊物等竝陟遐

自還始當州府之勞擇士用才終踐公侯之望朝請大

夫行令博陽縣開國男彭城劉體微金枝玉葉之門上
善通賢之量歷雙臺之鰓直關雷邑之風□□義□欺
兼并自息通直郎行丞王鈍朝議郎行主簿李循古承
議郎行尉崔延祚莫不珪璋比惠麟鳳成文藏用於東
畿安卑於西毫咸以分官濟俗共理經邦欽若

皇情特憐黔首吁嗟廟宇申至理之馨香拜起靈壇奠
明祈之蘋□誠敬如在神聽無違言未畢而布油雲禮
未終而澍甘液三農有慶八政□□□□□□□□□□
□□而家邦可制非聖人之利物豈能與於此者是有
黃髮兒齒之徒相與而稱曰昔文翁以化漸蜀川猶存

古廟子產以政行鄭國尚列遺祠况乎道惠均兩儀神靈庇萬代而頌章斯闕盛事莫傳蒙少黍青衿晚紆黃綬勤誠不夢豈吾道之將衰遊口難言冀斯文之未喪頌曰

伊太初兮惟混惟茫暨中古兮無制無防大忠勤國兮輔我君王至道被物兮明口典章乾坤可測兮陰陽會合威儀不差兮禮樂鏗鏘上口口口兮先靈如在下人蒙庇兮遺惠不忘春夏炎赫兮銷流金石官寮祈請兮拜伏壇場神聽之兮密雲已灑人賴之兮零雨其濡良大田之多稼望高廩之盈倉羞蕪繁於祭禮建碑頌於

祠堂松柏森沉兮歲久煙霞
○○兮山荒謁明神於此
地降福祚之穰穰

大庾開元二年歲次甲寅十二月甲寅朔五日戊午
建

上柱國子○○○○一號勅

按碑所載偃師縣祠○者按圖經云後人懷○恩所
置也負陽岑之巖險而○谷之繁紆其文述祠之始
末基宇略可推見如此伽藍記首陽舊有周公廟世
隆欲以太原功比周公故立此廟廟成爲火所焚今
是碑舊在縣西之石橋堡石橋與首陽比近碑亦云

頁陽岑則祠卽爾宋時所營造由其廟焚以後唐猶依其故址也碑又云以癸丑秋末迄於甲寅夏首西郊不雨南畝亢陽按新唐書元宗紀開元二年五月壬午以關內旱求直諫云云據此則東都亦旱矣史文或有闕記也五行志開元二年春大旱按碑云癸丑秋末迄於甲寅夏首則早已隔歲非僅一春旱也文內有云公諱旦字朝明公字他書皆無聞獨見於唐碑疑皆後人附會之詞不足據今府志採入謂補史傳之闕蓋失斟酌也

偃師金石遺文記

右周公祠碑朝議郎行偃師縣尉賈口義撰文多漫

漣不見書人姓名詳其文義蓋以河南尹隴西李行
正少尹彭城劉禎偃師令彭城劉體微等禱雨周公
祠有應立石頌之也考舊唐書本紀開元二年正月
關中自去秋至于是月不雨人多饑乏遣使賑給名
山大川竝令祈祭是時明皇親政姚元之當國民應
不墜于下而守令亦能勤于民事祈禱之誠如響斯

答良足稱已

曆研室金
石文跋尾

按文載河南尹李傑少尹劉禎口元口司錄柳彝
物令劉體微丞王純主簿李循古尉崔延祚凡六
人獨李傑兩唐書有傳云傑本名務光相州益陽

人其先自隴西徙馬舉明經累遷天官員外郎神龍初累遷衛尉少卿爲河東巡察黜陟使開元初爲河南尹勤于聽理當食無廢處斷寡婦有告其子不孝者物色一道士按問乃與婦私殺而內於棺濟梁公堰省功速就刊石水濱以紀績此皆見於傳者碑所謂奸豪懲而疑滯剖鯨寡悅而禮義行蓋約略言之也兩傳俱云以護橋陵作賜爾武威子橋陵爲睿宗陵開元四年始葬此碑立于開元二年已云武威縣開國子則在護橋陵之先二年矣恐傳誤也文內凡用字俱闕筆作用當必有

所避耳

少林寺戒壇銘

石橫廣一尺四寸六分高一尺
三寸二十一行行十八字正書

唐少林寺戒壇銘 有序

三藏法師義淨製

括州刺史李邕書

以長安四年歲次甲辰四月七日此寺綱維寺主義
獎上座智寶都維那大舉法濟禪師及德衆是以少林
山寺重結戒壇欲令受戒懺儀共遵其處迺遂之都下
屈諸大德殷勤致禮延就山門是時我老苾芻義淨及

護律師瑤禪師思禪師恂禪師暉律師恪律師威律師
等既至寺所解舊結新僉議此邊名爲小戒標相永定
冀無疑惑于是獲鶩環之嘉士無召自來得草結之英
賢不期而會數逾一百行道三旬共繫頸珠俱脩跣足
誠五濁之希有慕四依之住持虛往實歸紹隆無替庶
乎桑田屢改長存立石之基砂界時遷無爽布金之地
恐地成碧海領變青川迷此結辰乃爲銘曰

揭磨法在聖教不渝式傳金口是敬是遵目觀西域杖
錫東垣覩盛事而隨喜略刊紀乎斯文

開元三年正月十五日建

沙門如通立石

伏靈芝刻字

少林寺戒壇銘泰和書之最小者且刻字稱伏靈芝
乃泰和所自勒尤是其絕矜意之作然考都氏金薤
琳瑯所載文同而款特異爲南館學生張傑書余未
見張本疑不能釋豈此或繫重刻歟然觀其筆法蒼
秀定非重刻及以此本細按金薤琳瑯彼闕九字此
一字無闕其間多寡異同者又有數字然後知當時
蓋有兩刻而曹秋岳金石表亦竝載之其爲兩刻無
疑也戒壇始於長安四年碑建於開元三年舊史邕
貶括州司馬在開元三年以後十三年以前然爲括

州司馬未嘗爲括州刺史也其爲括州刺史在配流嶺南後新史云開元二十三年起爲括州刺史而此銘立於開元三年正月已稱括州刺史豈兩史皆誤

歟

虛舟
題跋

許靈長先生跋云余見北海書數十種用筆各異唯岳麓雲麾相似此帙世不概見出奇無窮抑先生晚年之筆與每作志傳皆手自勒石伏靈芝黃仙鶴皆寓言也許故書家善鑒別以此碑筆妙并信其手勒其推重此碑如此按金薤琳瑯記戎壇碑其云三藏法師義淨製開元三年正月十五日立皆同碑本獨

於書人則云南館學生張傑又注闕字凡九不似碑
本之無一闕字明是李張各有一碑矣獨不應立碑
之同月日也是不可解也弇州續稿云少林戒壇銘
開元三年爲學生張傑書當是時傑應尚少且不以
書名而筆法老成乃爾又時未盡習帝書故猶有瘦
勁意此條與金薤琳琅俱是作張碑跋不及李碑誠
無足怪而嵩山志云張傑書天下金石志云張傑八
分書俱言張而不及李豈於李碑皆未之見耶

文考

觀妙
金石

按碑題括州刺史李邕書開元三年正月十五日

建舊唐書李邕傳中宗時出爲南和令貶富州司

戶唐隆元年元宗清內難召拜左臺殿中侍御史

改戶部員外郎又貶崖州舍城丞開元三年擢爲

戶部郎中時姜皎用事謀引邕爲憲官中書妙崇

嫉邕左遷括州司馬

新書惟無開元三年餘同

唐書宰相表姚

元之自開元元年自同州刺史入爲兵部尚書同

中書門下三品兼紫微令至四年閏十二月罷邕

以三年內擢必在正月之後其被姚相忌嫉左遷

亦在三四兩年之間其官郎中從五品上若上州

刺史從三品中下州刺史正四品下惟司馬上州

從五品下中州從六品上邕以郎中出爲司馬
故云左遷若爲刺史階在郎中上安得謂之左遷
乎且碑建于三年正月十五日其時邕尚在崖州
卽已內召亦當在途若文爲三年以前所書似乎
由中州遠致崖州碑文非鉅製在少林亦未必若
是之跋涉遠求也頗疑所謂邕者竟是託名蓋其
時少林寺正當興建戒壇之時寺僧立碑假邕書
以取重但據傳聞邕在括州遂以爲必是刺史也
若使邕自署其官豈有誤書之理且其字蹟秀潤
不類北海生平書又疑旣是託名則并年月亦是

追題似建碑實在邕左遷括州司馬之後或開元
三年正月十五日是建戒壇之年月日也銘詞云
目觀西域杖錫東埵据上下用韻是淪遵文則當
作東墳方叶韻非東埵也禮擅弓注土之高者曰
墳孔安國尚書序三墳言大道也此碑云東墳卽
東土之義

劉君幡竿銘

碑高四尺五寸五分廣二尺九寸
六分二十二行行三十四字正書

大唐蒲州虞鄉縣令劉君幡竿銘 并序

粵我 皇唐之經六合控萬方撫綵圖尊紫極九十

有八年矣實用進忠直黜佞邪尚有功任有德一臻斯
道而天下密如雖堯舜之治禹湯之政對面爲語誠固
何軫然以股肱要口物務殷綜俾將撫字寔冀惟良任
難其人博選髦傑則有我 劉公首膺榮命上口

天心詢事考言 帝俞則寄牽朱絲而就職擁墨綬

以臨人察察焉兢兢焉允允 明王之舉也故嘗以

德惟善政政在養人言念孤弱殆將流涕於是設教敷
化寬獄緩刑黜吏移心兇渠束手誨我子弟植我田疇
庶積其凝人用肯悅加以罇搖晚酌息前庭之訟端琴
弄宵閑坐北堂之微月則使鸞童蚤妾成日來蘇杖老

耕夫僉謀再偕然公以志崇羣寂契入遺真悟法性空
不生不滅解如來意無我無人則鍾鼎非度世之資軒
裳豈出塵之具方欲潔誠洗慮高致清虛解帶抽簪遠
累天壤迺口茲祿口發此淨心敬樹幡竿於栢梯山寺
之西南岑也錯綜繪綺雕飾梓材匠人盡斧斤之奇女
工窮緝繡之妙規模逾逸今古莫儔迫而察之有若神
化然則前臨峻嶠北負平原崢嶸萬仞蕭條千里風生
北谷韻清響於禪林澗入猴池靜涓流於定水長蘿挂
日層峯擁雲幽溪不春遂壑無景殊形言狀不可殫論
信山岳之神秀靈仙之所窟宅然僕識口口口材行庸

疎式踐文場猶迷闕闕初航學海未辯波潮好事必旌
常有其志□□□寺都維那法泰上人爲予傳之偉其
事績目雖□觀耳所暨聞粉墨抽毫式銘景福其□曰
於赫有唐紹統三光功侔往帝名超上皇四海無外率
土賓王剋明爰□俗阜人康其英英 劉公恪□榮秩
臣道斯備黃裳元吉取則韋茲性兼舒疾人口宗□□
猶冬日其思絕鍾鼎契入幽真念茲含識幾慟心神迺
眷南顧廣樹冥因華幡□日雕竿倚雲其直侵黃道迴
瞰紫微晴虹偶影度鳥驚飛莊嚴孔備功德魏魏配山
河子永固与天地而同歸

開元三年歲次乙卯正月甲申朔廿八日辛亥畢功
上坐崇簡

寺主彥琮

按碑題虞鄉縣令劉君而文中不著其名文云敬
樹幡竿於柏梯山寺之西南岑也山西通志虞鄉
縣山川條載柏梯山在柏梯村卽檀山半也巒巘
懸絕連木乃陟百梯方降鑿石闢蹊憑崖標閣下
引劉行忠幡竿銘數語與此碑文合是縣令爲劉
行忠矣又通志寺觀條下虞鄉縣石佛寺在縣西
南三里卽古百梯寺司空圖有上百梯寺懷舊僧

詩下引虞鄉令劉行忠幡竿銘數語亦卽同此碑
則此寺爲幡竿之所在矣柏梯百梯想通稱也

醴泉寺誌公碑

文從襄本錄出碑之高廣尺寸行字
數皆無考正書篆額今在鄆平縣

大唐齊州章丘縣常白山醴泉寺誌公之碑

上京大薦福寺奉敕口慶 綴文沙門元傘

上薦福寺口口翻經院校勘沙門正智寺都維口僧

道寂建此寺

下

口口曇花未出庸詎知寂滅之名覺日猶口曷嘗識苦
空之相口夫金儀下降含靈口淨月之光寶教旁流口

三石經卷之二
三十一
○○○雲之潤三車○駕下化工○○○香不息所以

化身周流於別土神○○○於塵沙或十大聲聞駐形

○○一方菩薩納景涼臺觀○背嶺以宣慈濟辨起下

未掩白足○○佛法之○○月○○咸○王城之舍蓋

○生○道○境發○若不人○具○○○詭幢高○

者與今此醴泉寺者是矣齊下經文師卽○○身之著

薩○遊神境來屆茲山棲託噉阿聿脩禪寂以爲此地

元武之分青龍○○○首以開疆據天齊而劃野却

下尚父之○居九合一匡齊桓公之霸國爾其常白山

者迺摩天○地掩映蔽虧抱泉石以娛神出雲霞而養

姓山毛地髮名花將軟草連芳

下

人□□繪□□形勝

□□招提自後七級崇圖□起舍佉之

才五層系□重

標戰勝之門海目山亭妙相殫於變態虹梁鳥革大壯

下關綵畫□□塵凡□□香□水調八解之□風□五音

之說息心之輩見流注以超昇迴面之徒仰幽關而悟

入時逢□□代屬

下

金林玉□寥落幽巖我國家灌頂

四天纂圖千帝以佛乘爲馬用道品爲城郭八方起

塔□□道形九□聚鹽情殷

下

佛□□此精廬□通堯

日三齊族姓向梵境以翹誠四履□□仰釋天而矯首

又屬中宗孝和皇帝龍興漢道入天經

下

周法界去景

龍二年歲次景午爰有齊州正智寺都維僧仁萬俗姓

李字道寂慨茲墮陸抗表口宗天鑒至誠特賜名下否

而還泰山靈掩以重開法俗歡康人神一悅初師之行

進表也夢乘船上山及翌口赴朝所無礙豈非興廢

口定通口懸期下叙裝東上將口口州口口三藏義淨

法師各代高僧天下重德先奉教於大鵬福寺口口

律以口口口口口口勝緣口城在東倍增下四口降靈

五口德口人天之表名揚宇宙之開聖口難口神功叵

測及將命星發載達京口口口口口口口口口口時有

下身口口輟絃歌歲口口即以二月八日親率合境

老幼大會新寺表慶天恩又於□□之□尊卑就列

行齊聽下忽見有醴泉□□□□三四尺深淺三尺餘

色淨味甘爰符瑞典挹酌同飲咸覺蠲疴豈不以□福

□圓三靈允答光揚寶□滋液金場故下上開□□垂

感有教改名爲醴泉寺仍更抽入刪九僧住持行道自

鑿波再委壬題重開日燄赫而□昇月宮華而桂滿若

乃下海精動以齊深戒月澄空□□密霧禪燈焰室巧

避輕風滌□□之龍□洗毗□之鳥眼長袂五住遠効

四心刷□鴈以飛雲下闕捨生之地續柱□□有情根

軌足方□鳴金鼓□功不朽流福無窮斯竝先帝之本

願莊嚴法師幽贊威神之所致也又師遊戲生死示

闕下

儼如親對卽平時所將黑犬亦繫具□□厭□□無願

不從迺至有患心痛者但取廟前少土和水服之應時

便愈遺形是託神靈保持由是闕下梁寺史傳師本俗姓

朱氏金城人也少出家□□道林寺僧儉法師爲和上

業存禪□宋太始初漸彰異迹居止不定飲食無時長

髮跣足每闕下詞同識記言不虛發應驗如神或□視通

於北□分形遍於南國奇怪忽恍不可殫論以天監十

三年歲次甲午十二月八日闕下相奄然示終時有異香

□□芬馥特救厚加殯送葬於鍾山獨龍阜仍於墓所

口開善精舍救陸倕製銘於家內王筠勒碑於寺陰

下闕

生及其去也以精靈度物哀憐庶類福祚皇王且彼託

鍾山此依常白彼葬龍阜此口龍臺前王抔風建開善

之墳

後帝傾口口醴

下闕

至今大唐太極元年歲次壬

子皇帝御天下之三載凡一百九十九年化化之緣古

今無盡明明之德日月彌新其所變現之梗概

下闕

之口

衆所未諒恭敬者隨時受福疑慢者應念立徵事迹繁

夥不可備載當嘉聲上徹先帝令左臺監察御史宋務

先親加檢覆

下闕

八正所以知歸一屬口緣獲未曾有口

口復命倍沃天心刺史楊元禧分符北極露冕東藩口

雨逐於行車仁風隨於轉扇黃金

闕下

追鳥跡於上乘想

□□□□□□繩寶地□動天宮薦瑞香園延光帝載

縣丞主簿縣尉□舍

闕下

羣物揚舲彼岸錄事□□鄉□

等門滋蘭□□□□芽忠信滿於州閭因果□於□□

□□虔命□奉

闕下

九地荷於津通貝樹披春帝王之遺

文秩矣金□□□諸佛之正道通矣迷津□路菩薩運

載之乘行矣□□□□□□□□之

闕下

况鑿天大造充

溢於盡空淨域鴻緣牢籠於無外昔迦□□□如來垂

讚歎之□□彌勒當□□□表歌揚之侶若稽古訓式

樹□碑仍於

闕下銘曰

義天兆味儂花未披但迷五口孰辨三伊口口火宅耀

我金儀神足繼帆口口揚莪其口有口成觀方口口戴

表靈口口開下綱殿我寶地壤我金場花殘鷺沼煙輟

龍香霞標歇滅石徑荒涼其萬寓乘皇千齡纂帝日月

連口飛行口契口念新口口口口口高下精標五門玉

堦似感銀口輿存其欲赴天泉口規國德寄誠墳廟傳

詞翰壘瑞醴通流嘉祥允塞重光佛口口題宸極其紺

軒加下沙其先帝聖靈聿資神境冥扶默贊分形散影

既慕彼山又墳茲嶺寶鐸雙振金繩其炳化口口口真

身永永其功口泉口口口口口天下宣聞諸典故鑄金

三才圖會卷之二
三
鑲玉道該編素式讚王猷口口淨度勒像賢劫刊碑覺

路
其
十

開元三年歲次乙卯二月己酉朔十五日癸亥

下

額云大唐齊州章丘縣常白山醴泉寺誌公之碑今
仍在寺中而其地已割入鄒平矣 按此所述是梁

之寶誌與陸倕文略同而曰旣墓彼山又墳茲嶺則
此地亦有誌公墳也按雒陽伽藍記別有一寶公豈
卽其人而作文者誤以爲梁之寶誌乎不然何以一

人兩葬也

金石文
字記

常白山醴泉寺誌公碑唐開元乙卯立文作齊梁體

可辨者十之三書法國勁在歐虞間每行凡七十九字其下多斷齣不存其碑陰乃誌公像也

池北
別談

右碑文三十六行字徑八分下截已斷陷入跌中文字殘蝕不全每行祇存五十四字寺在鄒平縣碑額則稱章邱縣據鄒平縣志載巽堂嶺在城西南三十里距章邱三十里以山脊爲界西屬章邱東屬鄒平今醴泉寺在巽堂嶺之東麓宜屬鄒平想唐時章邱界址必逾嶺而東也長白山碑作常白山醴泉寺碑作醴原寺皆通用字醴泉在寺右百步石壁下讀此碑知醴泉之出始於道寂修寺之年碑云景龍二

年歲次景午按中宗神龍二年是丙午若景龍二年

爲戊申不知碑何以致誤也

山左金石志

馮氏婦墓誌

石高廣皆一尺三寸六分十三行行十三字正書額題勛故馮氏婦墓誌之銘篆書

唐將作監主簿孟友直女墓誌

并序

女十一娘字心河聞人也年十九適馮貞祐敬極如賓禮優侍櫛雖靡他之誓將固於同心而與善之徵竟虧於異物嗚呼哀哉春秋廿以開元二年七月廿日終于洋州興道縣廨舍開元三年四月九日葬于陳倉縣之新平原禮也惟父與母恩深骨肉痛切哀憐方備儲於

幽隧用畱念于終天迺爲銘曰

天道邇遠神理難明嗟彼淑譽淪乎此生荒堦月照古
樹風驚人誰不死爾獨傷情

按此石以乾隆己卯年出土從前金石家所未著錄

者

關中金
石記

胡佺墓志

石高二尺五分廣二尺

二十行行二十字行書

大唐處士故君胡君墓誌 并序

君諱佺字尚真安定人也遠祖曰宦遂尻介休夫棧椽
是佐錯胡綜之文章清白知名見胡威之父子光先懿

烈不替先風簡諫詳諸可略言矣 祖買隋孝廉舉文

林郎幼洽詩書長崇禮樂太初玉樹夙擅嘉聲韋氏金

簾遽昇高第 父端養素不仕情貪野薜志篋喪裳道

王業琴跡存山水君濯濯儀彤汪汪軌度珠胎孕月光

彩絕倫蘭若銜風幽芳自遠鄉里稱善喻彼少游文籍

自娛同夫孟陋遺累嚙滓傲性煙香簪軒不分於懷寵

辱不驚其慮歲臨辰巳鄭康成於是云亡月犯少微謝

慶緒俄而致殞春秋七十卒于私第夫人石氏穠荷比

秀美箭齊貞宜其室家和如琴瑟翰林之鳥始雙飛而

隻飛龍門之桐俄半生而半死嗣子懷爽懷玉帖屹長

遠霜露增感粲日開元三季歲次乙卯龍集單闕十月
己酉朔廿五日癸酉遷窆於介休縣東廿里平原禮也
絲上山飭昭餘澤右懼陵谷而驟易思封樹而永懷乃
爲銘曰

盤根安定散葉汾壩乃祖乃父光後光前惟君節槩業
尚虛靈鬼瞰庭宇鳥鳴座筵不逢石髓俄歸玉泉一闕
丘隴長嗟逝川

按文敘胡氏先世有曰棧椽是佐錯胡綜之文章
清白知名見胡威之父子三國志吳書胡綜傳綜
字偉則汝南固始人也仕吳主權時凡自權統事

諸文誥策命鄰國書符略皆綜之所造也傳後評
曰是儀徐詳胡綜皆孫權之時幹興事業者也儀
清恪貞素詳數通使命綜文采才用各見信任辟
之廣夏其接椽之佐乎晉書胡威傳威字伯武壽
春人質子父子俱以清慎聞其云祖買父端則無
傳可考

金石萃編卷七十一

賜進士出身 誥長光祿大夫刑部右侍郎加七級王昶謨

唐三十一

法藏禪師塔銘

銘橫廣三尺三寸高二尺九寸共三
十六行行三十字正書首題隸書

大唐淨域寺故大德法藏禪師塔銘

并序

京兆府前鄉貢進士田休光撰文

世之業生滅若輪環者則雖塵沙作數草木爲籌了無遺纖哉吁不可知者其惟流浪乎夫木性生火水中有月以凡筌聖從道場而至道場口因及異非前際而於

後際行之於彼得之於此禪師諱法藏緣氏諸葛蘇州
吳縣人昔羣雄角力三方鼎峙蜀光有龍吳恃其虜瑾
之後裕蟬聯姑蘇曾祖晉吳郡太守蘇州刺史秘書監
銀青光祿大夫上柱國開國男大父穎隨閩州刺史銀
青光祿大夫父禮 皇唐少府監丞吳會旗裳東南

旖旎洗墨而清夷落衣錦而燭江鄉山海禁錢蓬萊秘
府屢遊清貫歷拜寵章禪師卽蘇州使君之曾孫少府
監丞之第二子也年甫二六其殆庶幾知微知章克岐
克嶷此寺大德欽禪師廣世界津航人非鑽仰禪師伏
膺寂行口備帥資因誦經至末徵中頗以妙年經業優

長奉

勅爲漢王度所謂天孫利益禪門得人禪

師自少出家卽與衆生作大善知識道行第一人天殊

勝開普門之幽鑰

酌

慈源之蜜波由恐日月居諸天地

消息每對天龍八部晝夜六時如救頭然曾未暫捨非
乞之食不以食以至於頭陀非掃之衣不以衣得之於
蘭若禪師自少于老馳驟象馬莫之聞乘也以爲鎔金
爲像非本也裂素抄經是末也欲使賤末貴本背僞歸
真求諸如來取諸佛性世二相八十種好衆生對面而
不識奈何修假以望真且夫萬行之宗衆相之本生善
之地修善之境禪師了了見之矣夫鍾鼓在庭聲出于

外如意元年

大聖天后聞禪師解行精嚴奉

制請於東都大福先寺檢校无盡藏長安年

又奉

制請檢校化度寺无盡藏其年又奉

制請爲薦福寺大德非禪師戒固居龍象之首清淨
開人倫之目不然焉使 天文屢降和衆相推揚

覺路之威儀總禪庭之準的護珠圓明智刃雄鳴伏違
順之鬼魔碎身心之株杌廢情屬境卑以自居如谷王
之流謙百川委輸若周公之吐哺天下歸心菩薩下人
名在衆生之上悲哉三界即火宅之所四大將歲時之
速旣從道來亦從道去遂拂衣掩室脫屣緇牀惟惚惟

慌不驚不怖粵以開元二年十二月十九日捨生于寺
報齡七十有八門人若密考妣乃相謂曰和上云亡吾
徒安放乃投皿相視仰天椎心卽以其年十二月廿口
日施身于終南山榭梓谷屍隄林山是積以香薪然諸
花疊收其舍利建埠睹波于禪師塔右自佛般入涅槃
于今千五百年矣聖人不見正法陵夷卽有善華月法
師樂見離車菩薩愍茲絕紐並演三階其教未行咸遭
弑戮有隨信行禪師與在世造舟爲梁大開普敬認惡
之宗將藥破病之說撰成數十餘卷名曰三階集錄禪
師靡不探賸索隱鈎深致遠守而勿失作禮奉行是故

弟子將恐頽其風聲乃撮諸景行記之于石銘曰

有若禪人疑稜心不易兮身世瀕洞探討真蹟兮寂行
沖融渙若冰釋兮軒裳蟬聯晴暉相射兮奕裏不染乾
乾衣錫兮蕭灑誼譁地自虛僻兮靈關洞開亡珠可索
兮吾將斯人免夫過隙兮魂兮何之聲流道格若使天
地長久而可知卽相與撫實刊之于石兮

開元四年歲次景辰五月景子玊廿七日壬寅建

右碑題云大唐淨域寺故大德法藏禪師塔銘八分
書京兆府前鄉貢進士旧休光撰文正書無姓名或
卽休光書也開元四年五月廿七日建按序俗氏諸

葛蘇州吳縣人爲瑾之後曾祖晉吳郡太守蘇州刺史大父穎隨閩州刺史父禮皇唐少府監丞以名賢後裔不應舍族披緇但云年甫二六奉勅爲漢王度則當時爲后主太子諸王剌染者皆指紳子弟可知也漢王卽太宗子魏王泰泰以貞觀二十一年改封碑云師于開元二年捨生報齡七十有八則剃度在永徽三年正泰開府置僚屬時也

金石錄補

按碑稱隨信行禪師撰三階集錄數十卷隋經籍唐藝文志皆未載予又攷隋書文學傳有諸葛穎者丹陽建康人官著作郎終正議大夫未嘗爲閩州刺史

其父名規梁義陽太守亦不名詈則與法藏之祖雖同時而非一人矣

潛研堂金石文跋尾

按田休光非工文者碑文語多踈謬如叙禪師之曾祖詈既云吳郡太守又云蘇州刺史隋書地理志吳郡陳置吳州隋平陳改曰蘇州大業初復曰吳州隋書百官志郡置太守州置刺史文獻通考云開皇三年罷天下諸郡以州統縣大業三年又改州爲郡郡置太守至唐武德元年又改郡爲州改太守爲刺史詈仕隋時若在開皇以後則當稱蘇州刺史大業以後當稱吳郡太守二者斷無同

時並稱之理下云上柱國開國男不著所封某縣
之爵又旣叙曾祖警銜名于前矣而後又復云蘇
州使君之曾孫皆行文之無法者文稱如意元年
奉制于東都大福先寺檢校无盡藏河南通志福
先寺在河南府城東三里唐神龍元年則天創建
据碑如意元年已有福先寺不待神龍元年殆河
南志誤也文又云長安年奉制檢校化度寺无盡
藏長安志皇城義寧坊南門之東化度寺本隋真
寂寺武德二年改化度寺寺中有無盡藏院敬宗
賜化度經院金字額文又云其年又奉制請爲薦

福寺大德長安志開化坊南大薦福寺本襄城公
主第襄城堯市爲英王宅文明元年高宗崩後百
日立爲大獻福寺度僧二百人以實之天授元年
改爲薦福寺中宗卽位大加營飾自神龍以後翻
譯佛經並於此寺據碑則長安年已請師爲大德
其時薦福必非頽廢者是營飾之役不待中宗時
矣然長安志要自有據碑蓋鋪陳師之歷主大寺
爲朝廷所隆禮如此恐非盡實錄也

賀蘭氏墓誌銘

石高一尺七寸七分廣一尺六寸四分十六行行十七字正書

大唐太常協律郎裴公故妻賀蘭氏墓誌銘

序

夫人賀蘭氏曾祖虔隨上柱國祖靜

皇朝左千

牛父元愬潞州司士並宏翰深識布聲於代夫人卽協
律之姑女也童姿粉妍笄態瓊淑惟德是與乃賓我裴
公直其鏘鏘和鳴晏晏偕老女也不愿天胡降灾綿聯
沉痾三浹其歲泊大漸移寢於濟法寺之方丈蓋穰衰
也粵翌日奄臻其凶春秋卅有四卽開元四年十二月
十日至十九日遷殯於鴉鳴塢實陪信行禪師之塔禮
也夫坦化妙域歸真香塋衡之冥果則已无量有子太
元等或孩提而孤擗撫以泣嗚呼生人之至艱也裴公

傷奉倩之神痛安仁之筆圖範貞石碑光泉門銘曰

芙蓉劍子蛟龍質梧桐枝子鳳凰匡天何爲子降斯疾
俾雄雌子歡不卒延津女牀奄相失千年万古哀白日

按此碑題曰太常協律郎裴公故妻賀蘭氏與集

古錄所載陸贄換之賀蘭夫人墓誌蓋別一碑彼

碑是秘書監陸公夫人贄之曾從祖母也賀蘭氏

北周書賀蘭祥傳云先世與魏俱起有乾伏者爲

賀蘭莫何弗因以爲氏後有鎮武川者因家焉碑

叙先世曾祖虔祖靜父元哲隋唐書俱無傳文云

泊大漸移寢於濟法寺之方丈蓋壞衰也壞衰二

字未詳下云遷殯於鷓鴣埕實陪信行禪師之塔
鷓鴣埕卽榭梓谷在長安縣南六十里信行禪師
塔院卽百塔寺賀蘭夫人病則移寢於濟法寺之
方丈殯則遷陪禪師之塔不知其何謂而碑猶謂
之禮也此果何禮耶其時夫人卒年四十四其夫
裴公尚在又不言與寺僧有何瓜葛而卒於寺附
於塔恬不爲怪可知唐時士大夫於喪禮之廢盡
已久矣

葉有道碑

裴本高廣行字
俱無考行書

唐故葉有道先生神道碑

并序

栢州刺史李邕文并書

昔者誕發老君道純天地生得夫子身負日月且時宰
不宗主人勿用矧乎埋照後谷潛盤窮山幽姿蛻於塵
容素尚允於仙類豈碎命行矣爵服禁之而已哉公諱
國重字雅鎮南陽葉縣人也自少典錫羨高卒纂緒陶
唐重熙后稷邁種文王之靈乃食於沈尹戊之子哉封
於葉受氏享國大茂邈乎逮乎祖乾昱克壯其猶未半
於德墜戶習隱塞兌億坤碩膚長材通理博藝雖安車
累至而堅固辭故慶祚克開眉壽維永矣厥考道興

性守宮庭道敷邦國居鬼從地率神從天受錄以恒之
飛符以北之扼魍魎之邪劉臺台之祟有足竒也至於
揮札落經引弓貫革特起五部廣推大餘侯誰嗣哉先
生靈承道宗異聞訓誘弱喪文貌幼尚純篤仙骨有象
童心不萌專精五龍遍遊羣岳聰以達遠明以察微達
死生之占體物氣之變膏靜貞動耗息影歸止雲外口
壑林巢仙居人絕不鄰道阻且右獨往幽勝求歌隱淪
放聞保和習虛致靜摺五石之髓擷三芝之英時狀不
畱歲聿其逝緇髮純漆韶顏渥丹事適靈同神與道媾
惟寂惟寞不飲不食數十載於茲乃昇聞帝庭駿發皇

卷之三十一
一
眷簡才受命降尊加禮將之以文馬速之以暢轂先生
盱眙長揖握手高謝曰自昔帝舜登庸德輝允鑠光武
繼統吏道孔嘉且薛方逢萌備外臣之禮虞仲夷逸終
處子之業豈垢俗疵物偏貢介性將採道慕類坐致奇
齡使者蓄而之疑申遂行之旨乃周覽廬室躬省倉廩
考疇人之疆畷計家童之作業皆儉以遵約安能維始
味不甘口色無養日信以爲善誠去僞敢守難奪順風
可卽強起曷至焉遂虛觀復命慙歎開列朝廷企其高
渴其道聆嘉聲而屬口者豈勝言哉有司以天元書缺
星度官弛亡五德之運謬四時之分荆鬼越祥不知所

况子亥母癸烏識其原皆乘遽遠尋請益傳受可謂繩
誠列而曲直徵衡誠懸而輕重立粵惟博物君子豈伊
小說輒生嗚呼天不持久人將復歸積年迫於期頤遠
志屈於摧落卜北幽石託墳清林逸人不追國土靡憲
泉石沮色鄉縣失聲豈無他人惟子之故驟子慧明贈
銀青光祿大夫欽州刺史公因替厥絲代增其業啓秘
錄之高妙揚聲津之洪波道微若聲心糜若氣吹律煖
谷運聲知天屢下辟書終不應命孫子景龍觀道士鴻
臚卿越國公幼得父書早傳成法負念有訓邁迹自身
讀天下之書備方外之術火滌淫祀劔誅羣妖恩開五

金匱要略卷之二十一
君名動四國其人也排金鎖謁紫庭爲帝做吏出也法
玉京坐塵寺作仁宗師故能大匠道門冢卿朝右禮食
軒座寓直禁蘊矣嘗以理氣自強登老益壯雖暮景急
節而純孝孔哀是獻封章願拜墳墓有軼帝念載形王
言神札以飛傳瑞乃養羣公帳餞列蕃郊迎朝章有輝
鄉人皆慶枉以末技揚於孝心惟先志以追遠立豐碑
以紀德夫何聞然其詞曰

宗門素履家代隱仙道一相孕薪火交傳黃公術左赤
水珠聯道開幽鍵性與真筌一門累祖四世百年抗迹
巖谷消聲天地卓尔遐舉藹然高致麝以臭焚珠以明

墜人則有心徵亦不至保身匪媮全樸爲利孝孫增業
明辟順風志嘗無忝事或不同徵賢朝滿舉逸山空曷
由高枕克謝代工測微達變盡規納忠皇眷雖渥孝思
亦深章服粲粲傳駟駟駟載遑廷闕是展墳林紀石追
遠昭銘率心孝終事立榮歿寵今遐超古始末憲江南
開元五年歲在丁巳三月七日

此碑似經重刻乃李字之瘦勁有骨力者莫過于此
而始終全完如此石者更不易得葉先生種種奇行
知非虛設北海記載隱而不沒略而不漏深得述二
氏異端之法始知人主一心不但四海生人望之督

導卽萬靈幽閔受其鞭策漢之武唐之靈竒人幻術
類集一堂不可誣也唯宋之真徽無二帝之才殆兒
戲耳使移其心于文帝之清淨文皇之仁義則于人
道之近王道之易豈不更臻其上理哉後世曲士言
及惟異以爲矯僞是以于吾儒祈天求命之法亦眇
以爲幽遠而不可幾世之下衰亡惑也回評此碑而
弁及之以告後通天人之故者

墨林
快事

有道先生葉公碑李邕行書石在山東金鄉縣

屠隆
考樂

餘
事

有道之子慧明孫法善三世爲道士明皇時法善見

尊寵其祖若父之墓碑邕皆撰而書之可謂濫矣書法秀逸閑雅不見欹側之態蔡君謨謂是邕書最佳者良然

金石文
字記

唐開元間松陽葉法善以道術週遇元宗時李邕爲處州刺史邕以詞翰名世法善求邕與其祖有道先生國重作碑邕從之文成請并書弗許一夕夢法善請日向辱雄文光黃泉壤敢再求書邕喜而爲書未竟鐘鳴夢覺至丁字下數點而止法善刻畢持墨本往謝邕驚曰始以爲夢乃真邪世傳此碑爲追魂碑

處州府志

按此碑立于開元五年亦題括州刺史李邕文并書與開元三年少林寺戒壇銘之題括州刺史李邕者同邕左遷括州司馬不爲刺史彼碑已言之詳矣此不必辨據書譜引高似孫緯略載李邕所遺諸碑名少林戒壇碑本不在數內而有道先生葉公碑則有之似不得又謂之託名也然開元三年邕左遷括州司馬史傳昭然不能援碑以誣史誤則此疑終不能明矣書譜又引法帖神品目云追魂碑李邕書在松陽末寧觀處州府志遂謂邕爲處州刺史法善求邕與其祖有道先生國重作

碑卽追魂碑也此語尤謬不足置辨葉國重兩唐書無傳其孫法善傳亦但及其父云先天二年贈歙州刺史卽碑所云允子慧明贈銀青光祿大夫歙州刺史也傳又稱法善自曾祖三代爲道士皆有攝養占卜之法而不詳列其名以此碑證之則曾祖爲國重之父道興祖卽國重父卽慧明已合于傳曾祖三代之語而碑又有道興之父乾昱亦僅戶習隱塞兌億坤是爲法善之高祖下迨法善是五世爲道士矣史稱法善括州括蒼縣人碑稱國重南陽葉縣人蓋括蒼是其遷居南陽是其族

望也下云文王之允乃食于沈尹戊之子載封于
葉受氏享國大哉邈乎風俗通沈尹戊生諸梁字
子高食葉于葉因氏焉通志氏族畧葉氏舊音攝
後世乃與木葉同音也碑後云孫子景龍觀道士
鴻臚卿越國公而不著其名卽法善也傳稱睿宗
卽位法善有冥助之力先天二年拜鴻臚卿封越
國公止于京師景龍觀又贈其父爲歙州刺史碑
言法善雖替景急節而純孝孔哀是獻封章願拜
墳墓惟先志以追遠立豐碑以紀德云云是卽先
天二年得父封後卽自長安回栢蒼立碑于祖父

之墳墓也先天二年卽開元元年碑則立于得父封後之五年法善生卒之歲兩傳皆有誤文舊傳云法善生于隋大業丙子死于開元庚子凡一百七歲八年卒所謂八年必是開元是年庚申非庚子也自大業丙子至開元庚申祇一百五歲非一百七歲也新傳云開元八年卒或言生隋大業丙子死庚子蓋百十歲云則亦誤也而要之法善生隋大業丙子推其祖國重之生約畧前五六十年是在南朝梁陳之交碑所云將之以文馬速之以暢轂不知何朝何帝之事碑未明言無從考矣

姚彝神道碑

碑高七尺三寸廣四尺九寸三十二行
行僅四十九字正書在洛陽許家營

大唐朝議大夫光祿少卿虢縣開國子□□姚府君神
道之碑并序

朝議郎檢校秘書少監□□□□撰

正議□□□□□□□□□□書

原夫道之所運坦乎大方情之所鍾慟非恒數積善餘
慶則吳有延陵喪子□□□□□□□□則魯有□□□
□□□□□□□□_下哀詞載感行路况乎華歲陽止摧
蘭秀於謝庭□月□明落珠□於隨掌□□□□□□

□□茂靈□□□□□□□□□□其下□曾構蕃於

夏萊克生俊彥必復公侯□熱烈而載□□席寵□□

□□□□□□□□□□□□□□□□□□□□□□

□□下嗣祖善意 皇朝銀青光祿大夫□州刺

史□□□□□□□□□□□□□□□□□□□□□□

□□□□□□□□□□□□下翼子於三台歿爲貴神榮

親於八座父崇紫微令兼兵部尚書梁國公開府儀同

□□□□□□□□□□□□□□□□□□□□下也稟

五常之精粹含六氣之淳和幼而韶明長而英達學禮

而立行中□□學詩以言文□黼藻□□□□□□□□

□□□□□
下警衛升雲陛以周旋惟彼儲闈幸求端

士出納初命尤籍正人乃除君太子通事舍人□□□

□詞令□□□□□□□□□□
下國所資尤重符節

太夫元服
天子信臣妙季兼之可謂□□□□

□□□考□□之□□□□之□□□□□□□□□□

下勝楚迂令望言佐近藩出爲延州司馬雖屈我□□

贈贈□□□□□□□□□□□□□□□□□□□□

□□□□□□□□
下晉城實利將□□金軍國所儲於

是爲大乃除君隴州□□未到官□□□□□□□□□

□□□□□□□□□□□□□□□□□□□□
下以清白□進

朝□休之封號縣開國子食邑四百戶菴宅方國傳之

子孫□□□□□□□□□□□□□□□□□□□□□□

□□_{闕下}鄧之境乃拜鄧州刺史兼檢校商州運漕武

關之外方城□臨□□□□□□□□□□□□□□□□

□□□□□□□□□□□□_{闕下}就□將何克堪况奠川滌

源疏山通道盡賦不足以供郵傳□□□□□□□□□□

□□□□□□□□□□□□□□□□□□_{闕下}使人

勞而無怨義然後稅均不患貧□州□軍莫敢□賦□

濟畢□□□□□□□□□□□□□□□□□□□□□□

□□□□□□_{闕下}恂會稽之辭劉寵不是過也
上

以形于遠方尤技能吏竟抑而不□□□□□□

□□□□□□□□□□□□□□下命坐爲泉藪亂繩

易擾琴絲不綱君寢惟到官乘傳按部威令頗振□□

□□□境□然□□□□□□□□□□□□□□

關蒙傑□禁專任以怨而人不忍欺大削煩苛而物皆

遂性 朝廷□之□拜光祿少卿□州□□□□□□

□□□□□□□□下厥政貳金鼎之重司玉食之珍

□行職修名劬身泰□時令公□□□□□□下丞

睿□□□□□□□□□□□□□□下兒無驕盈

之色九班畱滯四載不□方於朝賢□□□□侯未有若

斯之□者也允所謂謙謙君子無競惟時溫溫恭人□

□□□_闕祐粵以開元四年歲次景辰八月廿六日遣

疾終於東都慈惠里第春秋□
上初聞□有疾

頻遣使問 □□□□□□_闕藥奉御李宗乘駟就療

嗟乎異方靈草不植中原近古名香無聞今日營魂莫

返□命何言 主上聞之□□□□□□_闕美

促而禮備哀榮以其年十一月癸酉朔十八日庚寅葬

於東都萬安山之南原禮也平□□□□□□□□□□

□□□□□□_闕存惟君至性過人少而□□□□宦于

外遊必有方恒營□□□□□□□□□□□□□□□□

□□□□□□□□□□□□□□□□_下實因心□邀浮

名尤慎內□□□□後進賞接名流繼能□□□□□□

□□□□□□□□□□□□□□□□□□□□□□□□

□_下疾衆賢□歎□□憂惶咸□由衷有逾恒禮□□

□□□□□□□□□□□□□□□□□□□□□□□□

□□□□□□□□□□□□_下公以□子□爲家之寶存不

伸其用歿必揚其名□□□□□□□□□□□□□□□□

儒□□□□□□□□□□□□□□□□然□□_下

邁德□□□□□□_下疆祚分虞后績著□□施于□□□□

□□□□□□□□□□□□□□□□忠良_其□□□□□□□□

表葬鄧海二州刺史碑云拜鄧州刺史金石略有徐
嶠之書光祿少卿姚彝碑注云西京碑雖缺名知卽
是也彝卽懿之孫祖孫墓碑皆嶠之所書墨池編稱
唐之工書者多求其三葉嗣名者惟徐氏新唐書徐
浩傳稱浩父嶠之善書以法授浩今其書疏秀方整
有初唐虞褚遺意懿碑云葬於硤石此云葬於東都
萬安山之南原孫不嗣祖未知何故其墓則猶可蹤

跡也

中州金
石記

右光祿少卿姚彝碑趙氏金石錄云撰人姓名殘闕
寶刻類編則以爲崔沔撰今險石本姓名雖曼誌其

上有朝議郎檢校秘書少卿博陵字甚完好博陵爲
崔之望則沔所撰審矣彝官終於光祿少卿而宰相
世系表但云鄧海二州刺史亦攷之未審碑書葉作
葉避太宗諱改世爲云也其書天作友唐人石刻多
有之

潘研堂金石文跋尾

新唐書姚崇傳三子彝彝皆至卿刺史此碑云光
祿少卿者卽彝也碑下截剝殘不復成文惟上截載
彝歷官始末有除君太子通事舍人遷都水使者出
爲延州司馬又除君隴州刺史未到官又封號縣開
國子拜鄧州刺史兼檢校商州又有徵拜光祿少卿

其卒在開元四年八月較之宰相世系表但云彝海
鄧二州刺史者爲詳後有題弟正議大夫行太子中
舍人下缺名者以史證之爲弈也

授堂金石跋

尹尊師碑

碑高一丈一尺一寸廣五尺二十六行每行七十一
字隸書額題大唐尹尊師碑六字篆書今在盤屋縣
觀

大唐故宗聖觀主銀青光祿大夫天水尹尊師碑

并序

銀青光祿大夫行太子右諭德兼崇文館學士上柱
國平涼縣開國公員半千撰

聞夫真人者出巨般歷倚杵騎蜚廉從救圉口口公妻

密妃朝濯髮於湯泉夕晞首於暘谷仍丹丘以長嘯戴
翠華以高遊自非植因曠劫肅恭太浩從事於金房之
前鍊心於玉晨之上攜青童而應黃綠者奚以成後來
之妙相序口口景而靈希聲則尊師其人矣尊師諱口

口字

景先隴西天水人也後秦尚書僕射緯之後緯仕

長安故爲扈人焉若乃鬱爲帝師降迹於唐勛之代光
乎王佐應命於周武之輔家藉代口可略言矣曾祖洪
字文翰商州長史大父舒隋文州別駕昭考珍皇轉口
散大夫尊師特稟異氣垂實冥華始降迹也其母袁氏
夜夢靈妙玉女授以九老丈人之符數月而聞腹中誦

經聲且時時有異光繞身矣及載弄之始目光炯然眸子轉眄若有所見及勝衣之日自識文字唯誦老子及孝經迺曰此兩經者天地之心也此後見好殺之字若蹈水火視禮之文口口泉谷稍長聞有尹真福庭迺精心事之不近俗事因讀西昇靈寶等經漸達真教既得鹽味便契黃中間師者傳道之父母行道之神明森數劫來妙經是出不因師學謂之長昏迷口口無已求師不暇時有周濂師者內音之先鳴上皇之高足迺願叅軒効駕陪景嘯空奔走禮謁以申宿志濂師見之迺謂尊師曰汝於劫會之中已受龜山之錄也便訓以紫

雲之口口授以青羽之隱澤覺入其心謂赤松王子喬可與撫煙月矣年十五道行已周有名於遠近矣屬

文德皇后遵上景而委中官于時搜訪道林博採真亦尊師印應靈景行預緣口口勅出家配住宗聖

觀雖翦芝瓊園採琳璫隴意每遠出未近謝也將欲沐浴東井棲遲南昌保護崑崙窺窬混注矣故屬想丹煙遊心紫度遍尋五岳備涉九元尋三君之祖氣口口之慧眼旋謁濤師便屐終南寂慮於溫泉冥精於寒谷有年日矣既通八景又達九天知來藏往多所曉悟若有神曰塵師上遷及省所屐已去順也貞觀末年行喪

既畢末微三年□□太白入重巖也見所未見聞所未聞此後丹字紫書三五順行之瀨扶晨接晝九六逆取之方咸得其要尊師所有遊山異迹祈醮靈應並有別錄此不載之至於顯慶已來國家□□人供奉功德諮量救代度人轉經行道磨增黃屋帝座天言東都西京少陽太壹九城二華展敬推誠三十餘年以日繫月始終不絕有感必通凡是効驗君臣同悉

物書往復

□□□迴神道昭章歲時交積者不可具載並傳於

帝位□二要者略舉其日初尊師遊太白高頂雲霧

四周聲振萬壑忽湧圓光去地千仞復有像充九色其

高十仞欣然長往者□□□焉

高宗之在九

成宮有李彗經天長數丈以問尊師尊師對曰此天誠子也子能敬父君能順天納諫徵賢斥邪遠佞罷役休征責躬勵行以會天心當不日而滅

上依而

行之應時消矣是故

高宗以晉府舊宅爲

太宗造昊天觀以尊師爲觀主儀鳳四年

上在東都先請尊師於老君廟修功德及

上親□□□咸從

上及皇后諸王公主等

同見老君乘白馬左右神物莫得名言騰空而來降于壇所內外號叫拜躍再拜

親承聖音口非尊師之

誠感也由是奉 勅修鑿□□□聖□一部凡十卷

總百廿篇篇別有贊時半千為尊師□□紀贊異秩繕

寫進之 高宗大悅終日□□不離案廼授

尊師銀青光祿大夫行太常少卿尊師固讓不得□□

官而□□職焉永淳二年天中有望告成有日萬乘雷

□□騎風馳 天子乘闕道而御帝車羣官陪六儀

□□七曜將禮于天樞幸中岳也金繩未舉玉檢猶潛

而六龍頓轡三□□色 聖體□安□于皇極屬

紫微□□□□□□國號訴四方邊密

太后諮訪尊師尊師□□坊仙境亦著代謝物有榮悴

氣有初終大道之常幸康神器

口宜存思諒闇

極想欽明密理百神潛庇萬姓文操人間地上物裏天
中所有靈明倍百祈請亦望二十四結火燒而憂盡七
十二教水鍊而濫成皆見先微以明後事迺著祛惑論
四口口魔論卅卷先師傳寶卷垂拱四年將寶玉帝也
上足時道成咸願奏章以延福蔭尊師止之曰有順宜
遵不可犯禁言訖委化顏色如常粵以長壽四年四月
十二日遷北於終南文口口弟子侯少微等追思龍漢
遠慕龜巖冀德音與天地同人神道共陰陽齊化昭庇
齋林冥滋栢樹俾斯貞石文若三光其詞曰

去矣大僊悠哉上盤玉谷白芝之座金闕紫口口前旣
嘯景於瓊札因交歡於碧泉出三萬六千之厚地入三
萬六千之遠天吼九華之翠菊坐五色之紅蓮常吟外
景每握內篇春霞飛岸絳雪秋風生庠紫煙徘徊高黃
嶺顧步太口口三秦四塞帝王國京兆長安龍鳳川煌
煌兮四明路浩浩兮八景年今已向上襲前果何時來
下降宿緣當乘道之氣應傳道之味必口氤氳六合中
自然昌揚萬劫通稽首寧誦步口口乘九華天下同此
心非獨壽之林

開元五年十月二日弟子侯少微等建

尊師出世於唐之貞觀碑建於開元甲子十周字畫
昏蝕慮歲久益舛先迹無攷口重摹于石巨壽其傳
大元大德元年三月朔提點聶志真敬識

員半千之取名謬爲應運五百者碑文殊不稱可笑
碑叙文操遊太白觀異像以爲奇蓋太白名山至今
多見靈異不足奇也至謂老子降于壇間萬衆共觀
則近誕矣書分隸道古不著姓名且經元初翻刻失
真可惜

石墨
鐫華

右宗聖觀主尹尊師碑師名文操隴西天水人遠祖
緝仕後秦因家於鄠漢書地理志右扶風鄠縣古國

有扈谷亭夏啟所伐是扈鄆本一字故碑云扈人也
高宗以晉府故宅爲吳天觀爲文皇祈福以文操爲
觀主嘗授銀青光祿大夫行太常少卿固辭不得已
乃受散官蓋其時縉黃之侶猶畏公議不敢輒玷清
班至開元中葉法善授鴻臚卿大歷中梵僧不空授
鴻臚卿宴然居之不爲怪矣員半千傳稱封平原郡
公碑作平涼縣開國公傳云人宏文館爲學士碑作
崇文館學士皆當以碑爲正古書處宐二字恒相亂
仲尼弟子宐不齊本當爲處後人誤讀如宐今本史
記遂誤作宐字此碑處宐字亦誤爲宐矣碑爲元人

重摹有提點畫志真跋今亦中斷

潛研堂金石文跋尾

按碑云尊師諱下二字泐賴文操二字後文有之
文云後秦尚書僕射緯之後晉書後秦姚興載記
緯字景亮天水人苻堅敗緯輔翼姚萇萇遣緯詣
堅堅問緯曰卿于朕何官緯曰尚書令堅歎曰卿
宰相材王景略之儔而朕不知卿亡也不亦宜乎
卽尊師之遠祖也下云鬱爲帝師降迹於唐勛之
代此指唐堯時之尹壽也壽爲堯師居河陽說道
德經教以無爲之道語見古今人表又云光乎王
佐應命於周武之朝此未詳所指周時尹姓之可

爲王佐者惟尹吉甫足以當之然非周武朝也尊
師會祖洪大父舒昭考珍周隋唐史俱無傳又云
師因讀西昇靈寶等經漸達真教新唐書藝文志
神仙家有戴詵老子西升經義一卷韋處元集解
老子西升經一卷又有洞元靈寶五岳名山朝儀
經一卷殆卽此靈寶經也文云高宗在九成宮有
字彗經天長數丈問尊師云云高宗紀總章元年
二月戊寅如九成宮四月丙辰有彗星出于五車
避正殿減膳徹樂詔內外官言事碑卽指此年事
唐書五行志書乾封二年四月丙辰有彗星于東

北在五車畢昴間乙亥不見而無總章元年事據碑言在九成宮則非乾封二年五行志誤先一年也文云儀鳳四年上在東都先請尊師於老君廟修功德云云高宗紀儀鳳四年卽調露元年是年不幸東都明年改永隆元年二月乙丑如東都八月丁未又如東都而八月以前不書至自東都史之畧也是年兩幸東都不知碑所云見老君乘白馬事是此年否且或在二月或在八月不能詳也河南通志載河南府城北八里有上清宮世傳老子修鍊之所正殿梁柱及瓦皆範鐵爲之不知高

宗之見老子卽此宮否耶文云奉勅修元□□□
聖□一部几十卷總百廿篇篇別有贊以舊唐書
經籍志證之乃太上老君元元皇帝聖紀十卷註
云尹文操撰也其祛惑論四卷□魔論卅卷先師
傳一卷兩唐書經籍藝文皆不載稽之道藏亦不
著錄開元時有尹愔者亦爲道士見新唐書儒林
傳云愔秦州天水人則與尊師同貫又云愔父思
貞字季弱明春秋擢高第官四門助教夢天官麟
臺交辟寤而會親族聚訣二日卒愔通老子書初
爲道士元宗尚元言有薦愔者召對喜甚厚禮之

拜諫議大夫集賢院學士兼修國史因辭詔以道
士服視事乃就職開元末卒似皆尊師族屬而輩
行稍後者也

正覺浮屠銘

石橫廣一尺七寸五分高一尺四寸十
五行行十三字正書在沁水縣多寶院

幽栖寺尼正覺浮屠之銘

夫登涅滕山者要馮戒足入佻法海者必藉慈航幽栖
寺尼正覺口香襲餽定水澄清潤三草而布慈雲警四
生而雲法毀不謂三龍從毒蔭宅將兌二鼠挺災憂殘
意樹遂卽傾天秘寶構此蜂壘竭地藏珍將營鴈塔其

塔乃宮堯入漢與玉兔而爭暉鬼業侵雲共金烏而合
曜卽願危廩永茂朽樹長春觀遺情塵間銷意垢口口
其詞曰

較見顧高晉此臺塔妍巖疑語疑源擬業

開元六年歲次戊午七月癸巳朔十五日丁未建

文不甚工字帶隸體云入仏法海者卽佛字關中有
鄭州刺史爲子禱疾疏亦作此警四生而雷法鼓雷
字之省文也銘云收見顧高晉此臺塔妍巖疑語疑
源擬業皆以雙聲成文

中州金石記

移置唐興寺碑

碑高七尺九寸廣四尺二十三
行行四十八字隸書在開喜縣

大唐朝議大夫行開喜縣令上柱國臨淄縣開國男于

君請移置 唐興寺碑

并序

殿中侍御史判職方員外郎高陽許景先撰

觀道寺主僧師口書

先萬物者始道德爲宗窮言象者以乾坤爲大豈若道
洽沙界盤古無以化其跡功包鐵圍緜首不能紀其要
前後際斷衆妙入於真乘色相皆空定慧生於正覺言
之不極其波若之蘊乎聞喜唐興寺者我國家草昧之
所置也時囊弓矢締構龍宮懸玉鏡於方丈運寶圖於

羅衛將祛八難式護四禪乃於西山建斯精舍布金幽
逕樹福璇衡經始險踐人跡罕到雖三空屢說給園之
衆不俱八解常流方廣之途尚阻毗俗常迷於夢幻聚
落不聞口口口口使十地空存四生無拯爰初構趾數
十百年舊令因循不改其制長者居士既渴日於寶坊
清信比丘徒挈餅於諦議時縣令朝議大夫東海子公
名光庭卽銀青光祿大夫瀛州刺史東海郡公士俊之
孫金紫光祿大夫中書侍郎同中書門下三品東海憲
公之第五子也承五鼎之華胄稟三辰之粹精陰德未
沫亢宗有後在躬而禮義克舉餘力而文章見稱好學

多能以爲入官之具清慎寡欲除見在公之心由也四
科參乎一貫理必合於投刀事無遺於下轄故能變蟋
蟀之風展蒲盧之化始鄉邊而脩里我有昌言終里邊
而修家人無遺善此其操刀有裕彈琴自閑亦旣庠於
王程將又崇於佛事爲蒲之所不及理鄴之所未行加
以識洞真扁智融覺鑿伏忍於三昧懸解於六通身若
明珠淨無瑕穢心猶平地能生衆善且循調御時現宰
官精三異之妙術敷六度之津要由是歷請天府將徙
梵宮雙樹移堅固之林八座改耆闍之岫金山赫赫與
紫殿而飛來紺宇眈眈化青樓而涌出城池故絳井邑

新田士女溢於康莊象馬闌於里閭一一香蓋懸寶纒
之幢種種天花散金燈之地得未曾有聞所未聞方將
洗貪欲之腸腎開盲聾之耳目納須弥於小芥詎是難
思置海水於虛空未爲希有僉以法雲西蓄佛日有部
家之昧今智炬東推迷途昭復之象豈非如來滅後
將有住持時夏縣威神寺法師俗姓張法名忽肆其先
衣冠出南陽精持律儀薰修行德超於四果理貫於
三伊大道未行同孔丘之歷聘衆有有病等暨王之授
手遂乘杯凍滢振錫北亭扶輿俗於愛河誘焚如於火
宅示方便品導波若流亡羊於九部之津去馬於三乘

之際莫不爭持寶蓋競解□□□潯池之棟字爲苦海
之舟航也予者商繁我明宰時縣丞清河張佑仁主簿
驛農楊浩尉太原王臨尉太原王銑等竝瑚璉名器鸞
皇勁翮才無滯用政有異聲鄉三老進而言曰今敦禮
勸農嘉惠也樹法拯人深慈也我宰君善化前古罕儔
豈使沒儀豐碑空銘景行龍宮後偈獨闕激言載勒堅
金永傳沙界銘曰

佛言能淨一剝土是謂世間良福田今我莊嚴招提宇
度脫功德海無邊猶如法雲覆羣品亦如佛日在中天
皆是宰官惠明德羣毗安樂離苦緣樹碑紀功永不朽

銖衣拂石億萬年

開元六年歲次戊午九月壬辰朔二日癸巳建

右唐唐興寺碑殿中侍御史許景先撰寺在山西聞喜縣縣令于光庭爲移置之景先之文由是而作光庭之在聞喜不聞其有善政而乃汲汲爲僧移寺非賢令也

金薤琳瑯

按唐興寺在聞喜縣掘碑文寺爲唐初所建在西山人跡罕到至開元初于光庭爲縣令乃移建于大道旁而立此碑以紀縣令之功德也山西通志聞喜縣寺觀條下不載唐興寺今以碑文有唐興

寺者我國家草昧之所置也一語叅之通志惟載有鐵牛峪寺云在鐵牛峪西神僧餉兵處相傳太宗行軍至美陽鄉乏糧寺僧智旻以沙鍋煮飯餉軍胥獲飽及卽位勅建廣教寺以報之又云廣教寺在縣南二十里寺頭村土人名沙渠寺相傳唐太宗勅建併鐵牛寺入焉又於山川條下載鐵牛峪云在縣南三十里相傳有鐵牛流峪中水峪有興國寺頗疑興國卽唐興寺所改而其初舊額卽鐵牛峪寺與廣教寺也年代復遠名跡俱湮不能確指其所在矣縣令于光庭爲東海郡公士俊之

孫東海憲公第五子兩唐書俱無傳以唐書宰相
世系表攷之俱不載其名大抵與于志寧等不同
系也然世系表中如知微克勤却封東海郡公殆
是爵偶同耳山西通志名宦卷光庭亦無傳

于知微碑

碑高九尺八寸廣四尺四寸四分三
十四行行七十五字正書在三原縣

兗州都督于知微碑

姚崇撰

□□□□□□□□□□□□□□□□乃有□□
□□□□其有高山峻極□□磊□而不窮大川靈長清

灑浩汗而無絕□芳□□□雲□者其惟于□□□
□乎君諱知微字辯機其先周封□□□□□□□
□□□東海□爲□□其後仕于魏亦家于代□代□
謹左僕射太子太師雍州牧子孫相承故今爲京兆萬
年人也高祖□周涇州刺史□安郡守驃騎大將軍開
府儀同三司瓜潼兗邵四州刺史涇州總管建平郡公
諡曰剛曾祖宣道周儀同大將軍隨內史舍人左衛率
上儀同□安子 皇朝贈涼州刺史諡曰獻平執珪璧
累傳茅土履□遍於文武聲華被於中外祖志寧 皇
朝秦王友禮部尚書侍中尚書左僕射太子太傅太師

蒲岐華三州刺史上柱國燕國公贈幽州都督諡曰定

山河授口星象降精負明口之口口佐絲綸之大業謀

猷口瓊闥動合全摸詳綜禮闈言成故事聲徽滿於天

下位望極於人臣父立政口皇朝吏部郎中園子司業

太子率更令渠號二州刺史太僕少卿公子公孫多才

多藝口口口口口聲實豈唯臺閣取則抑亦河海稱

宜公丹穴融姿生而五色青田表質動則千里言爲士

範行乃人師包括藝文口詞場而獨步甄明政理登口

口而先口朝澣口口之衣心口地義夕寢口口之被性

薦天倫行必由信不負黃金之諾舉無失德逾慎白珪

之玷正假馬之非禮革攘羊之爲直風塵不雜契芝蘭
而獨秀歲□無□□松栢之□彫每屈於書生亦□□
公子不恃才□傲物將□□□□仁永徽元年補隸文
生爰以佩觿之年且戀過庭之訓特降 恩旨許其在
家比及三冬方齊□哲擢第釋褐授太子內□丞□年
遷授秘書郎兼通事舍人內供奉□□□峻□□增
□□有詞令之□遂兼敷奏之職緣親延累下遷常州
司兵參軍梁州西縣令同州司法岐州岐山縣令汧池
戩鶴棘林栖鳳固□高而位下惟小屯而大亨謙而弥
光□而不雜□□無□齊□□□□□之受□□條

范滂之責成千里中都之彰善癉惡上蔡之易俗移風
蓋無以過也俄丁窮尉殆至滅性雖槐榆屢變而創痛
猶殷服闋被徵口爲舉首勅授魏州貴鄉縣令口任
未幾口在京違豫公乃請休急躬尋鑿緩專專代喘感
而遂察于時魏州連夏大旱州縣祈禱靡愛性璧密雲
徒積甘澍罕口公入境口人口心口口戴口新艾口即
未焚灌壇風雨口其口洽口口隨誠降雨施及公私拈
稼蔚爲嘉苗赤地變爲膏野百姓鼓舞而相賀五穀滋
蕃而遂登尋被巡察使昇進制加朝散大夫行城門
郎大名之邑人結去思口口口門朝推稱臧俄兼夏官

郎中□□□著□兼五熟昔稱歸□是膺俊選阮籍之
樂東平孫盛之思小邑願從所好天且不違乃出爲許
州司馬累除蒲晉潤三州長史龍喚一□驥足載馳□
下河史亟展□輿之政延陵□瀆累□歸□□□既□
人謠遂紆朝獎長壽二年制授鄂州刺史無何又累除
道利二州刺史化被荆楚威覃蜀漢去獸遷蝗以奉取
伐枳□□以□□□州界□有光大賊剽劫相仍充
斥爲患雖經討□曾不衰止有果州流溪縣丞邢曇之
等聞公政術深思拯庇仰隣燭之延佇慕河潤以傾軫
雲之因使入京乃以父老等狀上請情詞想到□□

天心乃降 優旨授公檢校果州刺史襄惟一視羣口
出奔下車三令口境口息神功之歲復除恒閭二州刺
史礪岳北臨劔門南峙是爲襟要實賴才雄公以身率
人令行禁止河朔拒二天之謁漢中興五袴之歌惟揚
與區是口重鎮事兼口口允藉親賢久視元年又改授
揚州大都督府長史地總淮海路兼嶺蜀倚舊相雜良
猶莫分攘效爲恒推埋所聚公懸明鏡以臨照稱物無
口搗利劔以斷割隨機有裕補張綱之口政紹何武之
遺績江沔之口於是乎在長安二年改授常州刺史毗
陵大藩寔要良守轍已成之務就有待之司顧盼而流

俗自清咄嗟而口政咸理公每懷敬止恐口口之漸蕪
願近鄉閭雖執鞭而可仕屢陳章表具列款誠口時任
鳳閣侍郎預知口政備悉情素嘗爲贊成乃屈資除雍
州司馬從其好也粵以宏才俯從口尹口晞口口有犯
口口口口口口惟賢是口能名播於京輦公心口口人
吏旣推宿德口口舊資朝廷稱歎聲聞 旒展乃加銀
青光祿大夫改授絳州刺史州管軍府戶多彫散惟良
之任自昔稱難公隨方撫馭應時口理奸盜畏威而口
境流口感恩而復業以公口舊正人德業斯重講口之
任髦俊是口乃除太子左庶子又遷太僕少卿并累封

東海郡侯行本忠良器實高茂膺負羣之清級播恭慎
之嘉聲鄒魯口番口標舊國闡揚文教馮藉師資乃除
兗州都督公五百挺生博聞強記三千受業發督振蕩
撫俗則黃霸重生講藝則顏回不死俎豆益先生之饌
歌詠光夫子之門發餘燧於槐檀導末流於洙泗公讀
口口傳乃慨然歎口古人云口相視盡口壽共口况口
口口殘光詎幾昏中口壁餘歲可知乃懷鼓缶之娛
遂抗懸車之請至誠上達優旨旋許追二疎之逸軌訪
四皓之幽居張禹韋口之流魏舒口口之輩遂異代口
口殊塗同歸者焉景雲二年封口海郡公又檢校鴻臚

少卿公遠覽夜行之誠自傷月告之年僂俛承 恩斯
須罷職嗟乎鄭辰甫及謝西難移既勞息之有期豈桐
口之可救以口口二年六月廿五日薨於長安常樂之
里第春秋七十九太山其頽仰曾峰而何及長河既竭
望清瀾而遼遠以開元二年十一月十八日遷祔于京
兆府三原縣萬壽鄉長坳原舊塋禮也公口海口族三
台口胄行爲摸指言成准的居家盡孝奉國竭忠情寸
段千直以道義爲富性符徐逸唯以詩書自娛歷居官
次每著殊尤之績薦於文道非虧然諾之心嗟乎口慙
温口求往 子安 何口口口仙鶴之聲元伯長口口有素

車之口平原四望口口春口荒隧千年蔓草秋露旌旆
伍而復舉簫鼓咽而不鳴涕淚成冰瞻昔恩而未重
柱檻皆素顧今禮而爲多嗣子朝議大夫行密州別駕
上柱國東海郡開國男克勤次子朝議郎行左監門率
府長史上柱國武陽縣開國男克構朝議郎行華州司
戶叅軍上柱國黎陽縣開國男克懋等聿修祖德不墜
家風冬日將夏日相輝金友與玉昆交映口口口口
以口義相規別口逾口口口口口遂口良友旣沒誰堪
制服之悲知音者空軫絕絃之痛雁馬之室本不分
於客主管鮑之契固無限於存亡見口爲文辭不獲免

平生言行誠僕所知揄揚事業則吾豈敢將□□□之
迹□題無愧之詞云尔

江河派別子靈長芝蘭挺秀子芬芳象賢襲慶子忠良
過庭承訓子義方本百枝子無疆弥七葉子未央心懸
明鏡子氣蓄干將化成雉狎子德□鸞翔或□□而馳
譽或□□而爲光烈爵窮於五等爲尹邁乎三王入龍
樓子膺侍接擁鳩杖子禮歸藏東川不待西域無香盧
敖仰子無逮王高去子何常思哉子之可作歎公業之
不亡露□泣於□□□□於□□□□玉子長想臨
挂劔子增傷

開元七年歲次己未六月戊午朔三日庚申建

右碑殘缺卽姓名亦不可見有五代祖謹知爲于氏及考趙錄目註建碑年月始定爲知微也父立政見志寧傳知微自釋褐歷官至兗州都督皆有惠政揆文者姚崇也末云平生言行實僕所知揄揚事功則吾豈敢竊謂不知其人視其友武氏之臣苟爲姚宋所興建碑庶幾不媿惜三原之鄉人鑿泐其文爲無識也公侯子孫非奇才異績不得附見國史向錄大猷碑喜于氏復得三人此碑云子克勤克構克懋皆顯官合知微而四于氏之傳于今者非碑版之故耶

于氏諸碑皆在今三原縣墓上

金石後錄

據金石文字記爲姚崇撰石殘缺無書名按辯機燕公志寧之長孫吏部郎中立政子刺史大猷之兄封東海郡公贈兗州都督碑曰墓於三原縣萬壽鄉之先塋余特謁燕公墓辯機大猷二碑相去不遠大猷墓僅存如堵牆辯機墓已平耳其碑存

來齋金石刻考略

按知微乃立政之子與大猷同父其世次與大猷碑及唐史有小異讀者當自得之至唐史志寧傳贈幽州都督大猷碑稱志寧贈幽州刺史今知微碑又與大猷碑同則志寧之爲幽州都督爲史之誤無疑也

雍州金

石記

知徵燕國公志寧之孫也碑書志寧所歷官頗詳其
云秦王友禮部尚書新舊史皆未載又云蒲岐華三
州刺史新史則云出爲榮州刺史改華州以蒲爲榮
又不云岐州是其缺誤也碑叙先世譜系及諸子俱
與宰相世系表合碑稱知徵高祖義周涇州刺史隨
瓜潼兗邵四州刺史涇州總管而表云隋潼州總管
碑稱曾祖宣道周儀同大將軍隨內史舍人左衛率
上儀同皇朝贈涼州刺史表惟云隋上儀同舊書志
寧傳惟云隋內史舍人而已是其異也碑云京兆萬

年人而史云京兆高陵人當以碑爲正

潘研堂金石文跋尾

按碑云高祖口周涇州刺史口安郡守瓜潼充邵

四州刺史涇州總管建平郡公謚曰剛

于大秩碑不叙高祖

高祖名勣据世系表乃于義也隋書義傳義卽謹

之子周閔帝受禪累遷安武太守歷西充瓜邵三

州刺史尋拜潼州總管與碑不同曾祖宣道碑云

上儀同口安子勣其爵一字

大猷碑亦勣此字

据世系表

是威安子也祖志寧唐書傳所載歷官俱與碑同

惟傳載高祖入關授元帥府記室遷天策府中郎

文學館學士而碑則云爲秦王友也

大猷碑無此語又堯

贈幽州都督與兩唐書本傳同獨于大猷碑作幽
州刺史雍州金石記以爲史誤然大猷碑云贈使
持節都督幽易嬭檀口口六州諸軍事幽州刺史
贈銜本與兩傳及此碑不同或者當時書銜之例
詳言之則旣稱都督又可稱刺史而約舉之則直
云都督而已似未可謂史誤也父立政無傳銜與
大猷碑同世系表但言官太僕少卿魏州刺史而
碑則云渠號二州刺史也碑云公授魏州貴鄉縣
令建夏大旱入境卽降雨施及公私尋被巡察使
昇進制加朝散大夫行城門郎事在長壽以前文

獻通考云神龍二年勅左右臺內外五品以上官
議理通明無屈撓者二十人分爲十道巡察使二
周年一替以廉按州郡以此碑證之則巡察之官
武后時已置之不待神龍二年而通考則又云天
授二年發十道存撫使以右肅政御史中丞知大
夫事李嗣真等爲之知微之昇進正在是時然通
考以存撫巡察分晰言之必不致誤闕疑可也知
微歷官終于檢校鴻臚少卿世系表則繫以兗州
都督是在鴻臚前也嗣子三人官爵與世系表互
勘惟第三子克懋碑言黎陽縣開國男表略而不

載餘俱同也

金石萃編卷七十一終